



Universitätsbibliothek Paderborn

**Compendiolvm Vitæ Admirabilis Et Pretiosæ Mortis B.
Rosæ De S. Maria Limensis Peruanæ, Tertii Ordinis S. P.
Dominici à S. D. N. Clemente IX. Beatis Annumeratæ**

González de Acuña, Antonio

Augustæ Vindelicorum, 1668

Capvt XVII. Rosæ magna in Deo fiducia, crebrô in suis suorúmque
necessitatibus explorata.

urn:nbn:de:hbz:466:1-44063

clave prætumidis passibus perambulavit, & hilariiter cucurrit, repetita quindecies intra quadrantis horarij spatium cantilena.

C A P V T X V I I .

RO SÆ magna in Deo fiducia,
crebrô in suis suorûmque necessitatibus explorata.

Mirificè afficiebatur verbis illis Davidicis : Deus in adjutorium meum intende : Domine ad adjuvandum me festina : hæc sedens, stans, ambulans devotissimè iterabat. Tria potissimum erant de quorum afflictione dubitare Rosam non sinebat cœlitus concessa fiducia certitudo : primum æterna sua beatitudo, alterum perpetua, & nunquam interpolanda Dei amicitia, postremum, certum ex alto auxilium in quibusvis necessitatibus, ac repentinis periculis. Semel concussa est pavida formidine, circa prædestinationis arcanum omni animæ tremendum, sed illicò Dominus sic illius cor est allocutus : filia neminem condemnno, nisi violentem condemnari : igitur ex hinc tranquillo animo esto. Exinde tam invicta fiducia cordi Virginis inhæsit, ut interrogata à Doctore Castillo, an suæ salutis certam notitiam divinitus accepisset, fateri compulsa sit : superna illustratione tempestivè se didicisse, quod ab æterno electa erat ad cœlestem gloriam ; quin et-

iam in ultimo decubitu cognovit ab omni purgantis ignis mora immunem fere futuram. Dum hortensem cellam incolebat, in mentis excessu vidit circa se undique solum conspersum rosas, & miranti quonam pacto tam repente vere tegeretur terra, parvulus JESUS apparuit, & Rosam blandè compellans, jussit sparsas rosas colligere: Lectas illas divino puerulo attulit, qui ex omnibus unicam in donum poposcit, & Hæc tu Rosa es, dixit, cuius providam curram assumo: Intellexit illicò sapiens Virgo, quorsum tenderent verba sponsi, & gavisā, teneri se in dextera veluti Rosam electam, sollicita quid agendum de reliquis esset, brevi consilio subitaneum inde fertum confecit, & cœlesti Infantи reverenter imposuit, qui mox suavissimè arridens disparuit. Pari certitudinis solatio fruebatur in securitate gratiæ, divinæque amicitiæ, cum cœlitus comperisset, in Sponsi favore se confirmatam, ut ne vel ad momentum dulci amicitiæ fœdere posset excidere. Asseveravit aliquando animæ suæ moderatori, facilis imponendum sibi, quod palea esset, aut saxum quamquid haberet Numen avernum. Eadem vis confidentiæ Rosam adversus quaslibet mortalis vitæ difficultates armarat. Nil metuens obvios tauros ferocissimos perstitit saepius in vestigio, matre fugam circumspiciente, spondens immanes belluas innoxie transituras; quod re ipsa bis contigit, non sine admiratione omnium

um, qui præsens Virginis exitium metuebant. Ut verò sperabat subsidia ad victum necessaria! Certior aliquando facta domesticæ penuriæ, quia panes nulli supererant, arcam aperuit & plenam reperit panibus ultra domus illius morem candidis, azymis, ac sapordosis, testante figura inusitata, & peregrina, hos aliunde prodisse. Alia vice mel defuit, necessarium illis regionibus condimentum: bis, ter, experti, fundo tenus exhaustum arescere vas, filij retulerunt Matri; at illa Rosam legavit, quæ cupam invenit usque ad supremum labrum recenti melle plenam; quod novo prodigo integris octo mensibus toti familiae satis fuit in usum quotidianum. Gasparem Flores patrem Virginis premebat ægritudo corporis, animique mœror ob quinquaginta librarum debitum, cui solvendo non erat. Ut Virgo rescivit, fudit in Templo preces, & domum redeunti vir plane ignotus involutam strophiolo pecuniam patri necessariā porrexit. Eiusmodi peregrinis subsidiis pluries egena domus in gratiam sanctæ filiae recreata fuit. Quinimò erga locupletissimum Sponsum ea fuit Rolæ fiducia, ut ausu liberali Virgo pauperrima frequenter, & palam in se receperit, providere de toto sumptu ad excitandum à fundamentis novum Sanctæ Catharinæ Senensis Monasterium, cuius erectio cœlitus promissa & ostensa illi fuerat, quodque tam seria fiducia spopondit, ut Mater fastidio

impar, Rosam quasi manifestè delirantem ob-
jurgaverit: Et ubi tibi sunt, diceret, bis centies
mille libræ argenti! At illa fidejussorem, in-
quit, habeo illum, in quo thesauri omnes. Sed
hæc scorsim narrabimus.

C A P V T XVIII.

RO SA divinitus cognoscit, ædifi-
candum in Urbe Limana sanctæ Cathari-
næ Senensis Cœnobium. Eadem jalia complu-
ra arcana Deo revelante pate-
fiunt.

Floret nunc Limæ numerosum ducentis sa-
cris Virginibus Cœnobium sub instituto
sancti Dominici, erectum anno sæculi hujus
vigesimo secundo ab Illustri, & opulenta vidua
D. Lucia Guerra de la Daga. Istud integro
ante fundationem decennio nunc per symbola
& figuræ, nunc manifestè in propria forma, &
typo, fuit Rosæ divinitus præmonstratum: De
illo tam securè, ac fidenter loquebatur, perinde
ac si constructum ante oculos haberet: Desi-
gnavit personas, quæ illic Deo famulaturæ es-
sent, ac inter has propriam Matrem: numerum
diffinivit, locum prædictum, futuræ ibidem fabri-
cæ plantam, ac systema in tabella delineavit,
primum incruenti sacrificij Mystam nominatim
expressit, primam futurarum Monialium Præ-
fectam ex vultu agnovit, spiritu suo imbuit, o-
fcu-